



道鄉先生鄒忠公文集卷之十一

詩

讀丘濬寺永天繪亭記

丘侯慶曆中進觀風感事詩百篇責為昭州職

官州人尚有識之者云剛果難犯世傳其得道尸解莫知所在

襟懷落落富經綸造命奇窮道不伸詩以百篇天上

獻身為萬里幙中賓每聽故老談風節尚有遺文照

水濱聞說神遊已無較想經山頂亦逡巡

讀龍圖梅公瘴說

公景祐初以殿中丞知昭州嘗為瘴說其畧云仕有五瘴

急催暴斂剥下奉上此賦租之瘴也深文以遲良惡不白此刑獄之瘴也昏晨酣宴弛廢主事此飲食之瘴也侵牟民利以實私儲此貨財之瘴也盛揀姪妾以娛聲色此惟薄之



瘴也有一於此民怨神怒安者必疾疾者必
殞雖在穀下亦不可免何但遠方而已仕者
或不自知迺歸咎
於土瘴不亦繆乎

市門隱去不知年蔽芾甘棠蔭樂川五瘴作時雖不
染一篇留誠指其然直須鏤版人皆與庶使綿區病
可痊更有奇方公未說上醫醫國許心傳

追感董敦逸夢授侍郎

公熙寧中為昭州平樂

存焉元祐中罷御史為本路轉運判官上即位之初公為左諫議大夫子為左正言實同省戶而予遷中書舍人公移尚書戶部侍郎未幾公卒

臺陟蓮花見舊篇追惟平昔倍凄然初為百里青衫
短晚按連城白髮鮮東省聯裾驚作夢南宮分袂忽

新阡便公難老猶無恙只恐投荒更老先

寄零陵令朱君陟彥明推官

前時透角惟憂速今日郵筒只恐遲書到零陵長官
處欣然一笑有誰知

偶書

莫把形骸較此心此心真體杳難尋太虛僅比一漚
發方寸能容萬象沉無佛無人誰是我不來不去妙
常今更須知有全提在拄杖從橫雲霧深

母氏安康郡太君生日三十韻

四月初九日

朱明初啓節分卦屬純乾善積名門久祥開淑質賢

柔儀應月呂和氣集薰絃奕世儒風藹持家禮法傳
乘龍來配德采藻助承先姑老勤朝乳功餘繹舊編
卜隣嚴子教截髮盛賓筵萱草欣多豫鳴鳩詠不偏
鄉閭師肅穆坤道信完全自輟齊眉奉尤於內典專
三車窺至喻一笑悟真筌榮辱忘區別優游任衆緣
居常遵坦路方寸湛澄淵浩也端愚陋身兮數仆顛
范滂蒙訓敕夢得念慈憐放逐清湘外羈縻蒼檜邊
遙知今日燕想見瑞爐煙弟姪紛爲壽親朋儼造前
焚香控南斗極目望東阡鸞鶴翔僊嶺龜魚動樂川
安康符郡號昌熾協詩篇計已聞消息惟新獲洗前

賜環叨霈澤衣綵卽歸田省定深如志生成實荷天
豈徒寬慮耳必是倍歡然雖阻隨行拜猶勝避瘴眠
鵬搏九萬里椿大八千年就養踰曾哲承顏繼閔騫
尚存誠意在終冀夙心圓永結老人好星光盈紫躔

寄蓬萊并示柄

皇帝如天極至公恩光來自大明宮歸田實遂平生
志與汝難忘造化功料得安康無限喜信知理數莫
能窮吾今只候文書到便挈囊衣迎北風

桂花

丹桂從來未發花今年花發衆驚嗟盈盈簇蓋真珠

細片片籠車美玉斜閭闔携香煙席綺婦娥流影動
窻紗乾坤着意欣逢遇收得風光向北誇

螢火

未解捐書常讀書只緣炎瘴簡編疎夜深螢火猶相
勉無數飛光照閭居

廣南四時攝養括子

元祐中知鬱林州左朝散
郎何與狷所撰印以施人

人遵用之
無不安泰

仁者存心故不同四時括子廣西東蒙恩歸去雖無
用留作葛絃戒我躬

覽鏡

三竈湖南與嶺南生涯破蕩孰能堪歸田莫慮飢寒
迫眼下新來有臥蚕

追涼晚步邂逅張雲卿王文輔王子正三進士
同行

巷僻門多掩鷄豚散不收後先携衆士笑語入汀洲
太尉廟前面冠芝亭上頭曠然無障礙誰羨爾公侯
過張雲卿所居

發石誅茅古道邊儒家清占靜中天數番雨水添塘
水滿目紅蓮間白蓮望處蒼龍蟠遠獄坐來朱鷺舞
祥烟我心本在風塵表偶此相羊更豁然

讀莊子

形影相隨向此居柴門終日掩清虛誰知盤礴高堂
上自與南華遊物初

又

萬物同為一體直體真誰復見陳新今吾故我強名
耳莫逆於心得此人

喜聞塋中同預歸田之數

簡在天心世所知賜環欣與我同歸耦耕曩已神先
受予近以詩寄塋中未句云追路今休詠式微洗
笠相從歸耦耕今遂驗矣脚上船無昨夢塋中寄聲有洗脚上舉頭見日有祥
船非公境界之語

糶扶搖本自南溟起只恐難淹九萬飛

栩栩軒隣居王子正秀才求軒名為取莊

不知覺夢不知憂物與心冥事事休此是道人真境
界西家分得亦同遊

夢曾存之見過

疋馬來過笑且言廉州象郡亦同還今朝勅了明朝
下盡出君王獨斷間

又

衡陽深賴帝憐之論者雖多不遠移一日一書誰管
得人生傾倒在相知

聞歸田之命懷同廢諸公

同時廢逐十餘人我是丹書第一名
方向嶺邊思往咎忽蒙天上許
歸耕諸公想亦茅連茹
如此日宜皆水濯纓覆載恩
深約圖報從今猶在罄精誠

池上

荷花荷葉滿池塘
柄柄搖風作晚涼
忽憶新開湖裏過
遶船終日送清香

留題天繪亭

杖屨追隨陟杳冥
無邊勝景集孤亭
解衣自若誰爲史
造物難窮巧賦形
展拓二儀成縞素
均調一氣作丹青

丹青會將斷取山川手
卷入中州挂戶庭

山鵠

大如青菜小如烏
色亦蒼然二者俱
嗣歲不惟催布穀
可人尤是勸提壺
巧兼琴弄端誰使
追得年光賴爾呼
萱草堂高欣屬耳
均籠隨我入東吳

遣惑

我命還須我自推
細微休更問蒼龜
枯莖朽骨猶能兆
豈有靈臺不了知

鷓鴣燕也

畏人常是襲人間
人不能傷自往還
爭似鸞凰在寥

廓更無塵慮杳難攀

觀赦文

吾皇恭已奉三無大赦敷天孰向隅自顧歸田夙遭
遇與人同慶倍歡呼

留別元老

不因投竄抵昭平爭得相逢一笑親塵裏妙空居士
室琴邊聊見宰官身周顒尚以妻爲累元亮惟知隱
是真元老不娶不仕故云莫逆於心更何語撥開船子過牢津

偶書

去年端午尚京居骨肉團樂奉板輦今日菖蒲還薦

酒猶於嶺表待文書

重午王文輔送米食張雲卿送新酒來因成絕
句

水糴糗子恰登門白酒持來更滿樽節物人情總堪
醉况歸田里已承恩

競渡

坊村一處一龍船擘浪飛橈鬪欲先要識晚來誰勝
捷但聽歌吹鼓聲喧

寄俞清老

清老書云近自興教遷出夏軒且問曹溪消息如何因作此詩

卧龍前約竟悠悠依舊淮南笑不休落髮出家成往

事從僧還俗愜新謀未嘗異也誰燕越相與吾之任
馬牛一滴曹溪好消息爲君船子下揚州

夢立求軒名以其面蓮池十許頃名之曰妙喜

軒

蓮華千葉滿前開斷取應從妙喜來色帶日光飛縹
緲香乘風力轉徘徊休尋物外菴羅果且進池邊鸚
鵡杯一笑真能契無染不妨遊戲挾霆雷

偶書

白晝談禪木上座清宵同夢竹夫人此心莫逆僊宮
下一片乾坤特地新

王道人云彥和得報有歸田之命

道人新自象州來殿院從容得屢陪坐上拆書歸有
日愁容忽作笑顏開

醉者

至化無名波遠方漁樵誰不似真狂得錢沽酒爭酬
酢執手高歌入醉鄉

商丘

列子載商丘之言曰人欲見其所不見視人所不窺欲得其所不得修人所不爲予

心感悟遂作此詩

視人所不窺修人所不爲奉以無愧怍商丘是吾師
勉祖道修子美祠堂

工部云亡幾百生精誠如在有遺編筆追六義回千古名薄三光亘九天師法周流寰海內祠堂落實楚江邊長官風化尊賢急想見丹青復煥然

追思去歲今日出京有作

癸未六月八日作

解舡東下出都門倏已彌年詎可論聖主只應憐舊物歸歟朝夕被深恩

讀易

時時飛雨作清涼六月南方似北方閣上獨居無一事韋編聊復到羲皇

偶書

白髮倚門無限情江湖渺渺秋欲生回船捩柁見歸路天道無私憐汝誠

王氏閣舊名拾青郡守王藻以余寓居易名來

僊

僊宮嶺下來僊閣太守更名爲我來來既有時歸有日冷然從此御風回

偶書

形影相隨甫半年皇恩今日放歸田回頭一夢驚初覺敢把窮通更問天

又

阻奉晨昏寧孝子竄投荒遠豈忠臣今朝恩放歸由
去留得遺蹤警後人

喜書

水北摘木將欲了水南發瘴已皆安惓然回指瀟湘
去感激天恩分外寬

訖夢

夜夢在省中堂吏持印紙圖來
呈圖上所貼姓名凡三十餘人

卜筮俱言七月嘉夜來魂夢更高華此生豈復公卿
望惟喜斑衣早到家

聞仲殊長老化去甚異

逆行天莫測雉作瀆中經濕滅風前質蓮開火後形

鉢盂殘蜜白爐竈冷煙青空有誰家曲人間得細聽

感懷

去年今日別庭闈回首庭闈未得歸天道人心會相
契歸歟行卽被恩輝

追懷去年今日舟離潤州有作

颿出丹陽恰一年江湖陳跡慨茫然明明歸路留雙
目只候恩書下九天

自歎

好學顏淵怒不遷犯而不校古稱賢伊予物觸心猶
動空撫陳編倍赧然

主人忽來夾徑修籬

疎籬詰曲巧依山洞徹柴門氣象還恩釋羈留應有
日故先通路指鄉關

大風累日不止

上人謂之稻未風蓋
稻未欲熟皆常如此

昭平八月稻禾風吹盡浮雲露碧空日月從今無障
礙光明照我天中

九日

歸田日日望恩光今日尤思返故鄉淡飲三杯菊花
酒何妨隨俗且重陽

送擇老赴桂州龍華會

罪大投身瘴癘鄉親年老矣重難忘龍華會上俱賢
聖為蕪精誠一炷香

觀牡丹

去年寒食已為客今年寒食未還家春前莫負一杯
酒山後聊觀三朶花

送希古

清都不敢夢中遊何況通明侍冕旒分手知從天上
去望雲深感嶺邊留二年瘴癘精神在一日功名聲
歛收驥足風生誰絆得綠楊芳草謾高樓

攬秀軒

觀書已若觀山水今更開軒山水來岌岌雲收騰日
月滔滔魚躍起風雷二儀歛向胸中集萬象都從筆
下回只恐高深亦欣覽秀才尤秀出塵埃

簡君瑞覓竹葉青

通道三杯如李白解醒五斗似劉伶爾來心渴鴨頭
綠應許唇霑竹葉青

君瑞酒來用前韻

蟾影舞花真窈窕江風吹竹是儉伶開壺日月欣浮
白放眼乾坤得倍青

聞正夫遷門下

促膝論心十二年有時忠憤淚潸然不聞一事拳拳
救但見三墓每每遷天地豈容將計免國家能報乃
身全他時會有相逢日解說何由復自賢子竄新州
日公為給
事中責命之所經由也及予召還公已遷禮部侍郎
一日見訪自言向時責命甚遽更不候簽書行之且
指天作誓以明不欺意謂
若來簽書必須封駁耳

開窓

雨師風伯倏回車今日春工得自如
窓牖洞開除障礙盡教風景到吾廬

對牡丹

輕煙籠日雨收塵天作奇花照眼明
莫道嶺邊無好

况吾今春在洛陽城

聞鷓鴣

默默炎荒已歲餘音書那復阻三吳晚來何恨青天
出獨倚欄干聞鷓鴣

觀插田

幾片空田白水中朝來俄已綠茸茸自憐於此留居
久兩見插禾勤老農

佛前筍

寓居閣上忽於佛前生五筍甚可愛地
主云閣成今十年隱築堅實滿塹深濶
未嘗有此州人傳之歲謂
吉祥為予發也作二詩

基構于今政十年不容山竹暗行鞭森然五筍自何

出盛矣又邦相與傳

和氣潛通無間斷佛光回照有因緣恩書不遠歸期
近已覺斑衣色倍鮮

寫黃庭

來僊閣上道生成芝滿丹田鬱鬱青不為換鵝為物
役焚香間自寫黃庭

黃庭窈窕在吾身灑掃塵氛集萬神但自精誠如一
日莫愁金闕不高真

高真元是世間人能密樞機到上清天地有終吾不
老環剛猶得度群生

道維集卷三
群生何事日營營浪以三元作五兵未及殘人先自
賊幾時重得見升平

升平無象亦無名翼翼巍巍拱玉宸流澤自周人自
樂普天同入萬年春

榕樹

榕樹能容故得名枝條環布若高城何當種滿彌天
去永使青青芘萬生

寄陽行先

曾以高風入冕旒未聞釋耒起南州當緣我罪投荒
遠亦使君身得滯留萬卷功名閒處立一瓢境界靜

中收他年太史無虛美卓行還能與祖侔

聞王呂二公罷郡皆得宮觀

如謂可免矣而今亦貶去雖輕
重命數不齊要之畧相似耳

庚子同災有幾人二公華顯獨超倫比聞貶責祠宮
去始信推移運數均勢冷有官猶是貴居閒無祿未
為貧須知削籍投荒者惟望歸歟作幸民

以常寧鈆鑪合供政首座因用舊韻發一笑

十年流落見無由誰識江東有趙州憑仗爐煙寄消
息定中應亦展眉頭

聞政公住庵將成輒以只麼名之并寄絕句

縱橫參了祖師禪聊唱還鄉信此緣粥飯年來一齊
足不妨和束帶刀眠

招政首座

高歌一曲破還鄉只麼隨緣是道場已向承天設雙
榻待師同快竹風涼

道鄉先生鄒忠公文集卷之十一

道鄉先生鄒忠公文集卷之十二

詩

有感

李彥弼雜詩載嘉祐中有入棲霞洞者燭
減不得出後一年乃與遊人俟還自言嘗
見數道士相謂曰知至道者天不殺服元氣
者地不滅因誦此故生衆方驚異忽輕舉莫
知所在予平生遇人指教數矣不能
勤行之觀此有感遂作詩以自警云

真訣由來甚易明惟人用志不精誠從今謹事先生
語何患無階朝玉清

紀夢

十二夜夢孫夢臣報予已有賜還之命後
三日夢臣有簡來云昨夜夢予遣人諭以
得移信州
豈偶然哉

夢如符節自然合吉事有開斯必先天地無私人主

聖孤臣從此望歸田

母氏誕生之日得家書喜不自勝形於鄙句

萱草留春瑞氣長二年吳越杳相望鑪煙正起依南極鄉信俄來自北堂委曲備聞逾獲寶歡欣遙想盛稱觴人心天意端如此行矣歸寧慰壽康

讀林醇中書

醇中書祝云惟絕欲平心調飲食省思慮則邪不能干此非公自重

乃為天下蒼生重也

天下蒼生如我何故人猶祝保天和奉親志意得歸路報國功名還釣策已分息心隨飲啄不應平地起風波瑤瑤欲報安能報空自秦淮悵望多

讀錢濟明書

濟明云窮絕之域有書可觀否不爾則日月之徒雲烟之變皆吾方

冊也言與不言皆與我會書何足道哉

無書可借即捐書日月雲煙見未除言與不言俱自着損之又損亦非如琴邊酪酏何關酒豪上從容豈在魚為報冰華老居士吾今無欠亦無餘

讀袁東之書

袁書云常器之嘗言人生游藝無如讀醫書其益尤多又云領官陝

西讀千金方一過極有所得敢以為獻

人生游藝亦多端莫若醫書可縱觀曾向千金深有得孰云三界果無安忘懷已自祛災瘴寄語尤知篤歲寒敢不拜嘉勤輔助保全歸去奉親歡

讀從外祖書

從外祖張牧之云惡固不可為為善復如此惟望事事節約而已

善如平路惡如巖底事前人浪自疑方寸但令無愧
忤彼蒼何慮有偏私流言聳動知公曰削跡奇窮見
仲尼事事存心惟節慎大哉斯語是吾師

紀夢

頃夢侍上左右如平時上方作字遽以筆付浩曰賜卿此筆

玉色照清都孤臣亦侍書叨蒙一筆賜恩似五年初
竄逐雖云遠精誠自不疎皇心定垂測行獲奉安輦

客惠團茶

久矣去清班無因預匪頒殊方得高義使我失愁顏
月滿浮雲散龍飛瑞氣還炎氛自辟易歸路見鄉關

移夾竹桃

將謂輕紅間老青元來一本自然成葉如桃葉回環
布枝似竹枝羅列生蘭助珍羞香不斷萱留喜意色
方明更移此本家園去歲歲花時獻壽觥

聞茉莉香

日收炎照沈沈去月放涼光冉冉回茉莉一如知我
意併從軒外送香來

青琅玕裏白玫瑰不受塵氛天自開最好夜涼初雨
過清香習習向人來

閒步

不出柴門半月強偶隨鷗鷺到池塘荷花蓮葉薰風
裏一似去年無限香

鑒華亭

群芳移自嶺南州要使兒童慎厥修看取逐時花爛
熳卽知當日罪拘留黃茆瘴裏誠難脫紫極光中偶
見收汝輩但將吾作鑒勿愁忠孝不優游

戲綵堂

歸田日月有光輝相與承顏家正肥萱草叢高明戶
牖棣花枝盛照庭闈年年歲歲歡常在子子孫孫志
弗違從此鄉評知品目風流不愧老萊衣

不着朝衣着綵衣歡然膝下永相依兄兄弟弟同真
樂物物人人共息機三釜晨昏歸省定一時裘馬任
輕肥長爲不施其親者免被無窮有識譏

讀莊子人間世

卮言吾久得南華每一開編一歎嗟塵表物從何處
去人間世自莫能加不知養虎但生事未始有回真
作家此意于今妙相契却慙書讀謾盈車

偶書

未始有回無不可焉能株守亦何傷得師雖晚猶堪
救萬事紛紛付兩忘

聞俞清老遊天台

不作寒巖枯木身又隨雲起別蕪城大方廣寺果隨
喜苦集滅人應奉迎山色何如霍山色溪聲孰似偃
溪聲莫教却被阿蘭笑此箇老翁猶想生

岑老書云遠老法堂上草深一丈矣

建隆無復舊行蹤石塔開堂得遠公衣掛六鉢收法
界草深一丈見家風也知是汝遠獅子不分饒他岑
大蟲何日揚州船子去木蘭花裏問真空

寄上方安老

西亭會面卽移船跡掃青青翠竹前目擊已知心照

了對談何必日留連禪堂僊閣誰三界嶺月淮雲自
一天偶此詩成更吟詠飛來鷗鷺亦欣然

敬超先

此地憑熊幾使君敬公名姓獨超群不因健筆曾推
美縱使忘形豈得聞詞翰莫窺真體要江山猶帶舊
風雲我來訪古惟高義追想區區只自勤

拾遺流落困埃塵海內忘形有使君長似漢中情義
篤不同常侍死生分一時燥濕知難變萬里經營想
更勤管鮑不忘公亦在高風猶得後人聞

寄子發

梅花春裏送君行冬三至五前後梅欲開暑熱 忽已芙蓉
照眼明 握手定須酬 故約凭欄 猶切念高情 下帷靜
與忘言 會扇枕涼隨 喜氣生 只恐懸懸亦知我有時
清夢到昭平

寄蔣彥回

澄庵一別兩炎風 回矚瀟湘興莫窮 木聳雲山常獻
瑞鼎收龍虎 妙成功木山丹藥皆彥回費行之物 精神迥出拘攣
外 日月都歸笑傲中 聞說芝園轉增勝 杖藜行欲遠
芳叢

寄朱彥明

義薄雲霄世幾人 零陵邑宰迥超倫 能明聖主恢洪
造 曾是童兒謁紫宸 衡嶽深蟠心不動 重湖闊寫惠
常均 別來眉宇知何似 日冀恩還得款親

寄霞老

聞說高山寺 崇寧賜額新 長為祝聖地 無復寓居人
佛殿焚修肅 僧窓掛搭頻 西來祖師意 從此出埃塵
伯和見過

叅軍跋馬瘴江濱 一笑相逢意轉親 偶復面論前日
事 恍疑身是隔生人 風隨玉塵傾新蓋 暑避冰姿返
舊輪 八桂森森照歸路 為君留飲判經旬

貫道

沈冥誰復似當時九陌塵中偶得之
絜己已能成玉雪為人猶自作著龜
門前車馬喧喧過室內乾坤默默知
一語不隨人事變與君陳闊豈無期

寄道林琳老

寶所從來指道林人間天上摠回心
自他初不毫端隔悲智常隨願力深
風帶洞庭供爽籟雲携紫蓋獻層陰
會須一辨旃檀去四句偈聞師子音

寄祁陽義明

散軒蕭散萬緣空
寂寂爐煙駐曉風
賓主不知誰合

散江山何許自西東
有時黃卷倚龕外
無數碧雲生
句中好是心如大圓鏡
光能照我路岐通

師嘗推子命言歸期

果驗

寄長沙何子玉

一甌難忘雪雲輕
濯盡氛埃徹骨清
瑞氣遶龍應滿意
薰風留日正多情
黃金照地人間肅
白鶴飛泉物外鳴
只待五湖歸興動
扁舟擘浪去尋盟

寄公安令孫仲恭

得君寧獨為葭葦
兩度湘中睠我殊
兵擁渡江猶縋
綫
飄催離寺尚躊躇
萊公廟北民歌曾
賈傅城東地

入吳會面不知何日再但觀休顯繼龍圖

寄華光仁老

越州刺史越州僧曾是龍華同會人
偶向祝融峰下過便從香積鉢中親
毫端寶刹重重現句裏藏機一
一新正是連天鴈回日此心先已到江濱

敷文

赦書該得盡量移吾到衡陽適及期將謂南徐須近
便那知北望尚羈縻人情既久應相好氣候無他亦
自宜造物此心君會否少留同我返茅茨

聖欽

人生相得貴知心况復鴿原有斷金但使連牆非異
趣何須會面乃同襟藥囊誓動蒼天念茗椀招回梁
甫吟早晚鱸魚從歸去為君聊駐馬駸駸

正

東堂當日偶差肩屈指今逾二十年君作長官鄰邑
內我為遷客此江邊時乖出處宜安土道在窮通莫
問天只恐類宮真拜勅無因重獲奉周旋

送米

甑中如見欲生塵不待人言廩自傾雖阻負歸同子
路且知書帖異真卿隣僧市井應無迹野雀堦除亦

有情却想萬鍾安享者孰云天地極均平
鼓腹從今得果然不須稱美道州前一簞頗異山雌
意滿鉢還同香積天糝作藜羹誇舉挾剖為釣餌戲
沉淵只疑好事傳將去飯顆興嘲有謫僊
數畝非無負郭田川途脩阻故蕭然得君遠勝子輿
友使我非無漂母憐未擬更求佳傳報且先分當酒
家錢親朋只願長相見歸飽豐穰不計年

食荔枝

曾向新州食荔枝黃堂酒罷卽言歸含香韞玉還相
遇定是恩光照客衣

種荔枝

高堂懷核謾栽培一一紅根破綠苔携入鄉邦五第
一風流知自嶺南來

遺酒

載酒來過亦可憐持杯先已口流涎香浮八桂風光
勝波動兼金月影圓共醉有時依竹臥獨醒無復愧
漁船此中天地尤安穩莫向塵埃盛處傳

道人徐清自南來彥和瑩中才叔並令寄聲

吉語傳來喜可知豈無人物共扶持但憐四載遭三
黜偶與三公作四夔海上颶風應驟息嶺邊炎瘴亦

潛袞相從曾有還歸日却向江鄉話此時

灘聲

江流隨落復隨生巧作灘聲入戶庭六律五音無不
有人誰如我飽曾聽

喜雨

午夢初殘日正炎坐來滂沛瀉高簷涼生几席心如
水聊拂塵編理舊籤

思聊齋

類官聊爾耳卒歲亦優游昔已騰佳譽今應屬勝流
竹聲鏘密雪桂影弄高秋爲爾猶牽思天涯一轉頭

寄鄧德甫

高山頂上偶相逢千尺孤松霜雪中不可親疎真道
廣未嘗喜愠信心空衡門笑詠塵方遠大學聲名日
自隆行就車頭艤歸楫擬將周易問窮通

偶書

吟罷新詩復自誼欣然一笑靜中超鳴鷄吠犬芭蕉
外欲與論心不可招

寄元老

琴邊聊現宰官身回憶來僊尚有情烏鵲遠從簷外
集鯉魚俄向眼中明閒將永日供黃卷靜納薰風擢

紫英更得香山巧相對一如眉宇照人清
欲知別後事如何門巷苔生雀可羅偏稱解衣槃礴
羸真爲靜處薩婆訶鬼神密護爐中藥風雨深藏壁
上梭惟是葛藤猶入念有時西望笑呵呵

得廉彥書

九曲池邊見老僧君爲前導啓重局十年空憶揚州
夢萬里遙瞻長者形龍斷冥心同委吏天涯隨分作
孤星何當鳴指相逢去珍重楞伽四卷經

元老寄惠香山

毘耶居士有神功斷取香山置掌中五分普令薰法
界一時俱送與僊翁巖頭雲澹暉暉日洞口煙橫細
細風可但吾心今莫逆香巖於此獲圓通

道正移蘿菴來

僊家春色不曾空亦有蘿菴占暖風丹桂葉舒推重
碧蟠桃花發避深紅儘教帶土培軒外行欲移根過
浙中最好高堂歸獻壽年年光映棗花藜

題慈德寺願堂爲長老宗顯作

龍隱巖前忽轉頭翛然瓶錫此淹留十方法界元無
限一片心田自有秋草木曲躬歸白足江山依位拱
青眸我來不問西來意獨喜茶香啜滿甌

白龍洞

洞門寂寂晝常陰誰識行天濟物心金翅影沉超永
劫玉毫光現契圓音滂沱普潤三千界變豔濃興一
萬尋天子六龍方在御不應頭角悶幽深

簡何秀才求龍眼栽

頃年曾食荔枝奴補益令人智有餘聞說君家多此
木可能分榦入吾廬

汨羅

忠繁云亡幾百秋汨羅江水湛清流是非折衷無夫
子直至如今口未休

讀郭有道傳

隱不違親與俗通危言覈論絕胷中紛紛禁錮知名
者何事全無有道風

聞市中遺火殆盡

市井纔如一小虛更堪回祿掃成墟從今七箸知何
有百煎江流滯野蔬

錐刀利害日相摩生火由來勢自多咫尺長江水何
限不能飛灑柰災何

何暇從容白丈人火邊綆乍定紛紛徒新曲突非無
策自是當時貌不聞

來僊閣

偶向人間作謫僊，倏然來此住經年。君臣鼎內重相
合，日月壺中獨自圓。過惡已除丹簡上，姓名猶在紫
霞前。一朝駕却飛鸞去，畱得風聲舉世傳。

玉虛觀

山腰制作邇來新，斧鑿纒終便掩門。獨殿紛紛羅杞
棘，老君寂寂看鷄豚。煙凝疊嶂爲香火，風韻疎松作
道言。借問羽衣何處去，一齊歸屋抱兒孫。士人以歸屋
家爲歸屋

存之

品目從來號智囊，保身何事缺隄防。青錢得謗由東
府，簡繩愆到北堂。朝散郎應無所惜，太夫人豈不
憂傷。平生盡入禪師室，到此方知道力强。

滄山

目擊何人妙得知，謾携斧子住巖隈。銜花無復鳥興
供，運木有時神倒栽。文室每思雲外去，籓山長記雨
中來。憑師更展慈悲力，早使回頭一笑開。

太平

大施門開陸海中，一時緇素許叅同。縱橫只見山河
露，消息寧知車馬通。帝網重重含寶刹，法輪日日轉
龍宮。何當去作龐居士，笑指庭花問祖風。

勉蕭尉秀實別刻磨崖

秀實欲於中興頃側磨崖別刻以待打碑之人

庶幾舊字可完傳于永久

忠義能令金石開至今凜凜動昭回彼蒼欲作無窮計此事欣逢不世才淨掃煙霞留健筆巧分鸞鳳過
崑臺亦宜愛日成君志側席知名即詔來

高山

莫道高山老古錐欵令金碧照崔嵬神通未必輸摩詰眼淨方能識萬回棒打室中紛似雨鼓椎堂上吼
如雷天長地久君王壽從此宗風巨未來

呂四

零陵市戶呂絢以錢二百萬造大舟日俟子還送至浙中

市門風義有誰知旋打長船待我歸秋入江湖正瀟灑歡然鳴榔去如飛

搖轉船頭順碧波日行五百未為多三湘二浙雖遼遠尚及家庭賞芟荷

平生親友謾紛紛有幾書來寂寞濱二十萬錢捐不惜可憐湖外有斯人

鴻鴈嗶嗶正北飛為傳消息到庭闈不須過作風波慮已有新船穩送歸

瀟湘起柂出江湖日日乾坤展畫圖白酒紅魚對妻子鴟夷還似此行無

道鄉先生鄒忠公文集卷之十二

道鄉先生鄒忠公文集卷之十三

詩

聞王若愚除桂帥

鸞臺鳳閣並門居同荷先皇獎眷殊諫草悠悠空皎
日年華忽忽幾青蒲朝廷擇帥君來越鄉里容身我
念吳萬事循環揔如此目前何必較榮枯

寄清老

自來漁父好家風一片瀟湘晚釣中伊昔放言知莫
逆于今親到得參同金章寂寂殘初夢汀草依依照
短篷德秀雖亡次山在悵回青眼送飛鴻

覽鏡戲作

寒時驟熱熱時寒一等陰陽幾百般髮脫面黃肌肉瘦
北人應作嶺蠻看

又

赤脚蠻中過一年受持讀誦日精專只應果滿同諸佛
丈六金身色瑩然

元禮

來往憧憧多故人幾能於此款柴門紅蓮綠水還初興
青草黃茅得細論陡覺炎氛開日月坐令爽氣滿乾坤
匪朝恩錫歸田去只恐煩君費酒樽

元禮乘漁船見訪作此戲之

一棹翛然一幅巾汀鷗集處亦逡巡功名正逐天機露
不似釣魚船上人

九日追和去羊所作

茱萸黃菊占秋光休歎佳時在瘴鄉飲罷此身歸有日
明明天子正當陽

清華閣

泉石清華世豈知蕭然無是亦無非二年於此陪鷗鷺
收得閒中勲業歸

讀論語

道維集卷三
仲尼初不離靈臺請業門人日日來一念回光是論
語何須塵簡面前

謝仁老寄所畫李長者出山相五首

虎腰黃卷動昭回無數人天心眼開不是機鋒妙相
契是渠那肯出山來

其二

香雲郁郁覆江城來現開元長者身八十卷經都論
了却將無說示當人

其三

碧潭秋霽禪師筆白月天空論主形是幻是真分不

得爲人重說互嚴經

其四

貝葉卷文無表示於菟曳尾不求憐昂藏豈是維摩
詰終日相從也默然

其五

一真境界孰能參賴有斯人作指南更賴殷勤招喚
得不知流落在煙嵐

欽道

誰謂南方世乏人斯人見義若風生吉凶禍福畧無
惜父子弟兄同此情袖裏珠光携合浦曾中潭影到

昭平他年野史誰操筆定以青編著姓名

讀張氏金塘阡表

同年正彥之父所葬處也表乃程忠彥所作

大筆從來不安襖特於阡表勇揮毫當年種德已如此今日里門宜自高雲帶洞山常藹藹雨鍾明水轉滔滔追榮更有豐碑在行矣巍然壓巨鼇

聞周仲修復致仕

繼述嘉謀聖主知拂衣緣底便言歸往而能返非難事安不忘危是識機西子扁舟藏國艷鱸魚一筋出江肥公乎有地相容否纓脫拘攣去似飛

聞宋世英再知江寧府

歸嶺真祠未幾時牙兵重展舊旌旗向來孰不歌來暮今去歡然釋去思竹馬渡江騰駿足甘棠拂戶動高枝鍾山只恐違初興徑入鶴行侍玉墀

示長卿二絕

懾處炎荒已二年親朋書問亦茫然獨君風義能終始不管煙嵐肯着鞭

其二

一別和州二十年山長水闊去無緣因君說起外家事特地欄邊心悵然

示二黃

摩尼超出衲衣中五色隨方照不窮
八萬四千清淨眼一齊開了見真空

夜聞鳴榔

鳴榔聲響五更初恰似京城叩木魚
夢裡猶疑趁朝晚幾回驚起攬衣裾

又

漁人於我本無情我自情生夢裏驚
驚起却眠方記得新條不得到京城

書喜

仲冬月吉吉可知日南長至恩光期
一陽來復驗內

健八陞圓壇嚴上儀玉輅回鑾天倍喜
金鷄肆赦人均禧倚門朝夕可寬念綵衣歸去今其時

喜晴

一陽初欲與時亨便覺群陰不敢行
寒雨斷飛天皎潔冷雲收翳日晶明
泥乾屐齒都無阻氣協花心倍有情
天運回旋吾道長欣欣此際孰能名

僊宮廟

千仞巉巖一徑通可捫天處是僊宮
嬋娟並席誰家子縹緲吹衣萬竅風
初月淡籠眉拂拂晚雲低繞鬢
鬚鬚邦人不復知端的但說常能助歲功

周御史廟

忠言直節動天聰名在昇平北斗中陰德久宜家有
後光靈今與國無窮庭前烏集當年栢門外風生舊
日驄公不世情應我顧一觴聊復以誠通

龍興觀有感

自罷龍興節人間幾歲窮偶觀塵榜暗追感御爐穹
萬事遺高躅三清肅下風鈞天在何許猶冀夢魂通

枯荷

萬頃菱荷一一荒駢頭相倚臥池塘追惟弄日搖深
綠不謂凌風折敗黃飢鴈飛銜投遠渚寒魚浮觸動

斜陽那知凜凜梢雲者自有松筠傲雪霜

閒步

同長卿夢立

冬來風雨併今日偶晴明況是親朋集聊將笑語行
青雲隨步武朱鷺入逢迎無限欣然思都隨指顧生

泛舟

乘興扁舟過趙村滿家灘上水連雲欣然便欲尋源
去織女機邊日未曛

又

風淨一奩水鏡雲開兩行山屏白鷺亦知人意飛來
佇立寒汀

道須集卷十三
六
登鵬高亭基

野燒無蹤知幾年故亭遺址尚依然
巍巍穩據山千仞渺渺前當水一川
地展雲衣深固護天回松蓋巧周旋
重興棟宇非難事坐使風光集綺筵

銅池

勻疊灘頭碎石滿添江面清流聊向箇中兒戲不知何處塵浮

示長卿

君與我同庚子生連年憂患亦縱橫
天高休說不可問心下直須深自明
運屬時雍人正樂祀嚴郊報禮

初成滌瑕蕩垢知多少行矣欣欣未再榮

送長卿

有口如鉗方解語無心似水始能思
杯中一片閒天地占得新陽君與知

陽朔千山與萬山生綃圖寫北人看
君今款段穿雲去莫厭崎嶇行路難

陽朔路

雲裏峰巒千萬重中間一路與天通
新陽已約爲前導回我車輪朝帝宮

寄長卿

鳥銜霽色朝迎馬
蟾吐澄輝夜照眠
日月於君已如此
不須星曆問行年

偶書

朝天坊裏朝天客
拱北軒中拱北人
惟有蒼蒼知此意
只應潛爲啓嚴宸

寄參寥

雲岫庵頭掛鉢囊
旃檀一瓣自馨香
建隆消息天然別
妙總流通筆放光
南嶺梅花空自得
西湖漚鳥宛相望
師如水淨吾如月
照入清冷知有方

上東門外解船時
赴感汝陰師未歸
松塵對談能幾日
瘴鄉孤坐但忘機
珠騰甕社淮南冷
山折成都蜀道非
屬耳朱絃誰莫逆
只應袖手看鴻飛

喜捷應方成

上醫醫國有誰知
且集方書捷用之
疾苦一齊安樂後
自然遭遇太平時

他處梅自十月已
開爛熳獨此今方
作花觀之欣然

驚恠江梅獨未開
含芳元是待冬來
新陽夙駕無多日
已向枝頭各自催

東君消息到梅梢
滿眼輕盈漸解苞
遶樹更忙須百

匝行看新樣插雲髻

梅將喜信自天來光動書樓趁暖開花比去年真箇
好一齊欣送我儂回

治梅圃

只有今年對此花此花欣送我還家呼童掃溉放花
出作意相從歸去誇

中間籬障壓根蟠四面荆榛逼樹攢今日消除隨手
淨放梅高出紫雲端

放竹鷄

鼓翅出樊籠雙飛意氣同便鳴泥滑滑深應竹叢叢

善也還天性時哉屬歲豐七人情已得寧復墮機中

拱梅亭

陸沉無復似當年高壓雲根氣象全四面山川趨指
顧一時草木避蕃鮮垂簷鼎實須歸帝起檻龍香必
動天自我發揮人共樂風流從此映來儂

懷長卿

香醅新撥一尊濃准擬君來笑語同緣底留連過初
約凭欄日日望歸蓬

深情知在霈恩邊肯爲閒花醉後顛不是看山駐陽
朔卽應倚擔待長船

小樹

一株短短八九寸四面青青千百枝作供佛前偕瑞
竹移根石上入銅池

小雨

梅圃初成塵土飛早來煙雨便霏微天時人事欣相
得可驗蒙恩朝夕

聞吳聖取還朝

庚子頻年憂患同君依墳土我飄蓬聞君已復雲霄
上顧我須逃瘴霧中學校他年齊出處朝廷今日異
窮通敝廬歸去無他事惟願時和歲歲豐

燈花甚奇

草赦今朝鐫北門燈花來報我蒙恩巧當樓閣中間
立高出光明幾次繁遼絕雖然如異域生成本不間
孤根此身曲荷乾坤力仰答洪私他日論

山禽

一鳥飛從何處來歸去歸去聲聲催爐煙正自山閣
起天意俄然雲路開三年至日阻為壽萬里膝下今
當回迎祥拜貺不勝喜滿引賀酒千百杯

用老杜至日懷太白韻懷諸弟

羅拜為親壽遙知亦我思陽生萱草色心入棣華詩

帝澤來非久萊衣戲不遲爲言多置酒歸赴賞花期

懷舊

辛巳年冬導駕行朝從太廟出青城雪迎天仗徐徐
舞日向龍顏淡淡明不待銜枚人自肅惟觀夾道喜
相仍今朝倍復如初盛遙拱神京空此誠

至日依韻和老杜五首

歲月驚如弩發牀千官壇下又成行燔柴香藹六變
樂奠玉殷勤三上香當日珮綺躬進酒茲辰目斷望
垂裳端誠舞蹈無因預空想中天瑞氣長

蠻風吹鬢鬢毛斑非復登樓舊日顏上玉亦應憐久

竄孤臣尤切望今還金鷄歡動欄干外綵服光生骨
肉間歸去此恩何以報惟將香火祝南山

黃宮初氣重氤氳喜色朝來便着人知有歸期親望
我更無他事我思親堂前獻壽開金盞嶺外蒙恩戴
玉宸一笑承顏勝六印功名豈復羨儀秦

當關無復守門催欲曉鷄聲喚起來一炷壽香瞻白
髮三杯賀酒寫紅灰看棚尚倚天街柳恩信先通桂
嶺梅但喜奉身歸膝下自餘皆是魯禽杯

慚愧君恩似日長終然傾否肇三陽休思往事追華
貫且喜餘生脫瘴鄉俛仰自如誠自幸尊卑相守免

相望外炎內熱從茲盡別是人間一味涼

同仲宣長卿觀梅

雨後江山欲放春更無一點舊風塵對花若不飲一
瓊却恐梅花解笑人

同長卿梅下飲茶

不置一杯酒惟煎兩椀茶須知高意別用此對梅花
張糾惠吳洞簷

茶選修仁方破碾登分吳洞忽當筵君謨遠矣知難
作試取一瓢江水煎

次韻和答稷臣見貽之句

瘴癘侵凌鬢欲華鳳凰飛詔下天涯有如病骨將枯
日忽遇靈丹躡彩霞赫赫千齡方啓運熙熙六合共
爲家此恩碎首知難報空感來篇似永嘉

次韻和李學文所示二篇

材氣無雙是隴西扁舟還指舊山溪非關呂覽難更
字要使班輸別造梯塵外光陰歸作者道中消息在
寥兮他年峻捷黃金榜路入三吳手重携
大明端拱赭衣紅正想豪英八穀中但使學優迎命
達莫將年少歎途窮三秋水闊魚依藻一日天高鶴
出籠持我此篇歸獻壽蒼梧歡動曉來風

移漢陽

漢陰丈人渾池修漢陽居士逍遙遊中分漢水共天地能別此心惟白鷗

畫山

幾年密與畫山隣今日歸航駐水濱天亦有心酬我願歛雲收霧日光新

三峰闊展映天長大巧由來未易量我欲移舟殿前去萬年千載對君王

掃成屏障幾千春洗雨吹風轉更明應是天王醉時手重重粉墨尚縱橫

展畫亭

畫山名聞天下山前乃無亭字少延好事之日天其或者留以待吾正彦乎輒形斐章用為前導落成請以展畫名之亦絲歌外一段佳事也

丹青一筆妙難窺萬古長如初畫時濃淡乾坤偏掩映卷舒雲霧巧追隨深藏塵表天元愛不到炎方世豈知展出高亭快人目捨君風韻更誰為

小舟枕上

船頭鑽入北來風繼日連宵閉短篷多少峰巒多少意一齊收在枕屏中

登碧巖寺盧舍那瑞像閣

樓閣門開處處通毘盧出現眼光中為人重說二愚

品巖下灘聲西北風

我自南方稽首回大千經卷出塵埃十方三世都圓了
了盧舍那尊金色開

我住蓮華法界中塵塵刹刹本來同旃檀一瓣聊興
供吹滿巖前萬竅風

與夢立行入長安虛

恰到長安風色晴一條石徑坦然平與君曳杖尋虛
去全似僊宮嶺下行

久不上船思上船偶然縱步是長安何須更望君平
卜但把虛名子細看

斗米

灘在桂州南六十里俗傳石有僧自遠來者近桂人也舟所難不可上餘糧一斗食之既盡乃登山望故鄉化而為石至今絕頂有石如僧立之狀

粥飯都來一斗糧灘前喫了倍蒼黃把如立作山頭
石何似急行歸故鄉

捍門山

揚子江頭舟楫回海門山對潤州開故鄉歸去六千
里先入捍門山裏來

過雉山

客睡當年記雉山杜鵑聲切枕難安今朝歸向山頭
過不見杜鵑空夢殘

芭蕉曾向定中觀，謂我南遷便可還。
過了三年方語驗，聊將一笑謝禪關。

示壽寧長老如曉

十二年中獨自春，應緣遠現壽寧身。
南方衲子聞知否，便是黃龍舊主人。

三關誰復識黃龍，大施門開振祖風。
無限人天無限眼，一齊回向嶺雲中。

師在興安我在昭，幾年相望但雲霄。
誰知小出忽大遇，共折青柴帶葉燒。

示崇寧長老善資

五色雲中有和煙，天長地久祝斯年。
太平一曲憑師唱，響徹乾坤萬古傳。

獨秀峰前是寶坊，坐令執惱變清凉。
人人認得長安路，珍重旃檀一瓣香。

與葉適正資長老同宿覺華山安福寺

覺華山下古禪宮，鼎足蒲團午夜同。
但有鷄聲替鍾鼓，更無僧影到簾櫳。
真情迥出忘情外，多語都歸妙語中。
轉首是誰南與北，庭前檜栢亦生風。

夜登台光亭示主人莫亢

亭據炎方第一州，旌旗曾向此中留。
台光不逐春光

改花影長隨桂影浮誰謂嶺雲收白雨偶然莎徑入
青眸他年南北遙想望應記忽忽秉燭遊

留別興安唐叟元老推官

天繪亭邊三載夢石灰鋪裏一時情箇中不是同叅
得曾次崢嶸何日平

風前火烈逢真玉雪後大寒見老松携得此心歸北
去與君無處不相逢

幽居不許穿雲到寶閣仍忘破曉登多少從來疑着
處一齊分付打包僧

留別龍城山主懷義

陽朔千山復萬山最深山處是松關新詩吟罷無餘
事一片真心雲共閑

僊閣龍城一望間每來過我不知還汀鷗猶集欄干
外應惟從今氣象閑

好事如師豈易逢不辭趺足訪行蹤揮殘塵尾知難
再目斷碧蓮峰外峰

青天無礙本來同休向江邊動別容師似碧潭吾似
月東西南北總相逢

三車黃葉止兒啼一句何人妙得知今日爲師重說
破蒲軒風靜月明時

道鄉先生鄒忠公文集卷之十三

聖